



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Christiana Institvtio Virtutum & vitiorum sacri uerbi Dei
declamatoribus admodum vtilis et necessaria**

Ammiani, Sebastiano

Venetiis, 1562

Orationis bona sunt tria.

urn:nbn:de:hbz:466:1-30415

dignitas angelorum, orationes nostras deo offerentium; sicut Angelus Thobiae dixit. Quando orabas cum lacrymis, & sepeliebas mortuos per noctem, ego obtuli orationem tuam domino, &c. Vnde D. Bernardus, Credimus sanctos Angelos altare orationibus, offerre deo preces & uocem hominum, ubi sine ira, & disceptatione leuari puras manus perspexerint. Quartum bona quae ex oratione proueniunt. de hac materia require in sequenti capitulo.

Orationis bona sunt tria.

Primum est quod oratio sanat infirmitatem animae & corporis. Ecclesiasticus. Fili in tua infirmitate ne despicias te ipsum, sed ora dominum & curabit te. Habetur exemplum de Ezechia, &c. Iac. ultimo. Oratio fidei saluabit infirmum. Et Hieronymus oratione pestes mentis sanantur. Et Isidorus. Frequens oratio uitiorum impugnationem extinguit. Secundum est, quia demones fugat. Matt. Hoc genus demoniorum non eiicitur nisi in oratione & ieiunio, &c. Ambrosius, Psalmi & orationes demones fugant. Et Isidorus.

Tob. 12

Bernar.

Ecc. 18.

Iac. ult.

Hieron.
Isydo.

Mat. 27.
Mar. 9.

Ambr.
Isydo.

Demonēs oratione uincuntur. Tertium est, quia confortat. Luc. Positis genibus orabat dicens, pater, &c. subditur. Apparuit autem illi angelus confortans eum, &c.

Orationis impedimenta sunt septem.

Primum est peccatum orantis. Isa. Cum multiplicaueritis orationes uestras, non exaudiam. manus enim uestræ sanguine plene sunt. Psal. Iniquitatem si aspexi in corde meo, nō exaudiet & dominus. Gregorius. Qui à præceptis dei uertitur quod in oratione postulat non meretur. Secundum est, orantis dubietas. Iacobi. i. postulet in fide nihil hæsitans, &c. Bernardus. Indignus benedictione celesti esse conuincitur, qui deū dubio querit affectu. Et Isidorus. Inaniter oramus, si spei fiduciam non habemus. Tertium est terrenarum occupatio. Vnde Gregorius. Fit autem sepe ut qui terrena substantia occupatur, orationi non quantum deberet inuigilet. Et Isidorus. Lōge enim a deo est animus qui in oratione cogitationibus seculi fuerit implicatus. Quartum est indignitas

Isa. I.

Psal.
Gregor.

Iac. I.
Bernar.

Isido.

Grego.

Isido.